

Հ Ա Շ Վ Ե Տ Վ ՈՒ Թ Յ ՈՒ Ն

ՀՀ Վայոց ձորի մարզում 2022 թվականի քաղաքաշինության բնագավառում կատարված աշխատանքների վերաբերյալ

1. Հայաստանի տարածքային զարգացման հիմնադրամի պատվիրատվությամբ և Ասիական բանկի կողմից տրամադրված վարկային միջոցներով «Սեյսմիկ անվտանգության բարելավման ծրագրով» կառուցվում է Եղեգնաձորի թիվ 1 հիմնական դպրոցի նոր շենքը: Պայմանագրային գումարը կազմում է 1.228 մլն. դրամ: 2022 թվականի իրականացվել են 388.4 մլն. դրամի շինարարական աշխատանքներ:

2. Առողջապահական ծրագրերի իրականացման գրասենյակ-պետական հիմնարկի պատվիրատվությամբ համաշխարհային բանկի կողմից ֆինանսավորվող «Հիվանդությունների կանխարգելումն և վերահսկում» վարկային 5222-ԱՄ ծրագրի շրջանակներում Եղեգնաձոր համայնքում կառուցվում է հիվանդանոցի նոր շենք, որի պայմանագրային գումարը կազմում է 2032.0 մլն. դրամ: 2022 թվականին կատարվել են 874.0 մլն. դրամի շինարարական աշխատանքներ:

3. «Վեոլիա Ջուր» ՓԲԸ-ի միջոցներով իրականացվել են Միկոյան և Մոմիկի փողոցների ջրամատակարարման բարելավման աշխատանքներ: Ընդ.՝ 30.960 մլն. դրամ:

4. «ՋիէյՋէմ-ԱՐՄԵՆԻԱ» զարգացման հիմնադրամի կողմից իրականացվում են Վայոց ձորի Արենի համայնքի մանկապարտեզի կառուցման աշխատանքներ: Ընդ. գումարը՝ 577.160 մլն. դրամ: 2022 թվականի իրականացվել են 67,0 մլն. դրամի շինարարական աշխատանքներ:

5. ՀՀ Կրթության, գիտության, մշակույթի և սպորտի նախարարության պատվիրատվությամբ ՀՀ քաղաքաշինության կոմիտեի ԾԻԳ-ի կողմից կառուցվում է մարզում մոդուլային 3 նոր դպրոց՝

ա) Եղեգիս բնակավայրի միջնակարգ դպրոցի նոր շենքի կառուցում: Նախահաշվային արժեքը կազմում է 706.0 մլն. դրամ: 2022 թվականին կատարվել են 210.0 մլն. դրամի շինարարական աշխատանքներ:

բ) Չիվա բնակավայրի նոր դպրոցի կառուցման նախահաշվային արժեքը կազմում է 713.1 մլն. դրամ: 2022 թվականի կատարվել են 95.0 մլն. դրամի աշխատանքներ:

գ) Գոմք բնակավայրի նոր դպրոցի կառուցման նախահաշվային արժեքը կազմում է 652.7 մլն. դրամ: 2022 թվականին կատարվել է 260.0 մլն. աշխատանքներ:

6. ՀՀ պետբյուջեի միջոցներով կատարվել է Եղեգնաձորի բժշկական կենտրոնի ԿՏ-ի սենյակի վերանորոգում՝
Ընդամենը՝ 29.7լն. դրամ:

7. Համայնքային բյուջեների միջոցներով կատարվել են 54.82 մլն. դրամի աշխատանքներ:

2022թ. ընթացքում Վայոց ձորի մարզում կատարվել են ընդամենը՝ 2009.88 մլն ՀՀ դրամի շինարարական աշխատանքներ:

2022թ. Սեպտեմբերի 13-14 հայ-ադրբեջանական սահմանին ադրբեջանական ագրեսիայի հետևանքով ՀՀ Վայոց ձորի մարզի Ջերմուկ համայնքին պատճառված վնասների դիմաց, համայնքի ֆիզիկական և իրավաբանական անձանց տրամադրվել է 31,977 մլն.դրամի փոխհատուցում:

2022թ. սուբվենցիոն ծրագրեր

ՀՀ համայնքների տնտեսական և սոցիալական ենթակառուցվածքների զարգացմանն ուղղված սուբվենցիայի հայտերի գնահատման միջգերատեսչական հանձնաժողովի կողմից հաստատվել է 27 ծրագիր՝ 3 մլրդ 825,7 մլն ՀՀ դրամ արժողությամբ, որից 1 մլրդ 685,9 մլն. ՀՀ դրամը կամ 44,1 %-ը համայնքների ներդրումն է, 2 մլրդ 139,7 մլն. ՀՀ դրամը կամ 55,9 %-ը՝ սուբվենցիայի գումարն է:

Ջրամատակարարման, ջրահեռացման և կոմունալ տնտեսության բնագավառ

«Վեոլիա Ջուր» ՓԲԸ-ի կողմից սպասարկվում է թվով 7 ջրամատակարարման համակարգեր:

Ընկերության բաժանորդների թիվը 9494 է, որից 767-ը իրավաբանական կազմակերպություններ: 2021 թ-ի համեմատ բաժանորդների թիվը 2022 թ-ին ավելացել է 130 բաժանորդով, որից 6-ը իրավաբանական կազմակերպություններ:

Մարզի մյուս բնակավայրեր ջրամատակարարման համակարգերը շահագործվում են համայնքապետարանների կողմից:

Գազաֆիկացում

Վայոց ձորի մարզի 5 համայնքների 44 բնակավայրերից գազաֆիկացված է 17 բնակավայր: Այս բնագավառում առաջնահերթությունը մնում է չգազաֆիկացված բնակավայրերի գազաֆիկացումը: Միաժամանակ աշխատանքներ են տարվում ազգաբնակչության հետ այլընտրանքային էներգետիկ համակարգերից օգտվելու համար:

Մարզում «Գազպրոմ Արմենիա» ՓԲԸ-ի բաժանորդների թիվը 9056 է, որից 4424-ը բազմաբնակարան շենքերի բնակարաններն են, 4356 անհատական տներ և 276 իրավաբանական կազմակերպություններ: 2022 թվականի ընթացքում տեղադրվել է 129 անվտանգության ազդանշանային սարքեր:

Հաշվետու տարում բնական գազի շահագործման ընթացքում արտակարգ դեպքեր չեն արձանագրվել:

Ճարտարապետության բնագավառ

Հաշվետու ժամանակահատվածի ընթացքում քաղաքաշինության վարչության կողմից ուսումնասիրվել և լիազոր մարմին է ուղարկվել քաղաքաշինական գործունեության հատուկ կարգավորման գոտիներում նախագծման թույլտվություն պահանջող համայնքի ղեկավարների կողմից ներկայացված քաղաքաշինական փաստաթղթերի փաթեթներ: Ուսումնասիրման փուլում մերժվել և լրամշակման է վերադարձվել 2 փաթեթ:

ՀՀ ՏԿԵ նախարարի ներկայացրած օրենքի և որոշման նախագծերը քննարկվել և տրվել է կարծիք:

Կատարվել են բնակավայրերում հողի նպատակային նշանակության փոփոխության աշխատանքներ: Քաղաքաշինության վարչությունը համայնքներից ստացել է հողամասի գործառնական նշանակության փոփոխության առաջարկներ, որոնք ուսումնասիրվել է տեղում և տրվել համապատասխան կարծիք:

ՀՀ քաղաքաշինության կոմիտեի գրության համաձայն համայնքներին է տրամադրվել «Հայնախագիծ» կազմակերպության կողմից մշակված միկրոռեգիոնալ մակարդակի տարածական պլանավորման փաստաթղթերի վերջնական մշակված տարբերակները՝ էլեկտրոնային և թղթային տարբերակով:

Ի կատարումն ՀՀ կառավարության 2006թ. թիվ 346-ն որոշման, վարչության կողմից համակարգվել են որոշման հավելվածներում առկա պետական գույքի գրանցման և կոմիտեին հանձնելու աշխատանքները: ՀՀ-ին «Արփա-Սևան» ԲԲԸ-ի գույքը նվիրատվություն տալու գործընթացում կատարվել է կազմակերպչական աշխատանքներ:

Աշխատանքներ է կատարվել համայնքներում կադաստրային հասցեների ճշտման բնագավառում:

Աջակցվել և համակարգվել է Եղեգիս համայնքում մոդուլային մանկապարտեզի հողհատկացման գործընթացը:

Հաշվետու ժամանակահատվածում քաղաքաշինության վարչությունը համայնքներից ստացել է 196 շինթույլություններ, որոնք հաշվառվել են և ամսական կտրվածքով հաշվետվություն է ներկայացվել ՀՀ ՏԿԵՆ:

Քաղաքաշինության վարչություն

04.01.2023